

պաշտօնեաների ընտրութիւնը յանձնուում է գործակալական շրջանները ամբողջ հոգևորականութեան, որին անպատճառ պէտք է մասնակցեն և ծխականները. թեկնածուների ցանկը մատուցւում է քահանայից խորհրդին ի զննութիւն. ընտրեալին հաւատաւորւմ է եպիսկոպոսը: 4) Գործակալական շրջաններում վարչական և դատաւարական իշխանութեան իրաւունքը տալ հոգևորականութեան և ծխականների ներկայացուցիչների կողմից 3 տարով ընտրուած խորհուրդներին: Գործակալական խորհրդի սրտումներն դէմ եղած բողոքները քննուում են եպիսկոպոսի և քահանաների խորհրդի կողմից. 5) վերակադմէլ եկեղեցական դատարանը կանոնական հիմունքների և քաղաքացիական դատարանի սկզբունքների համաձայն և մօցնել պատուի եղբայրական դատարան. 6) ընդունել, որ եկեղեցական կառավարութիւնը ոչ թէ ճնշող կամ իշխող իշխանութեան ընտրութիւնը պէտք է կրի, այլ հովուական. (Մատթէոս գլ Ի. 25—27. Պետրոս Ե. 2—3. Գործք Առաք. Ի. 28—31. և այլն). 7) քահանային ծխից հեռացնել մի միայն քահանայից խորհրդի և եպիսկոպոսի դատաւարանով. 8) թոյլատրել, որ հոգևոր կոչումը թողնեն առանց քաղաքացիական այն իրաւունքներից զրկուելու, որոնք ձեռք են բերուած ծագմամբ և կրթութեամբ. 9) թոյլատրել այլի քահանաների կրկնամուսնութիւնը. 10) թոյլատրել քահանաներին, որ իրաւունք ունենան մասնակցելու ինքնավարական ժողովրդական բոլոր հիմնարկութեանց մէջ և վերացնել անբարոյականացնող շքանշանները»:

Նոյնպիսի հետաքրքրական որոշումներ է ընդունուած նաև հոգևոր դպրոցների և Պետական դումայի վերաբերութեամբ: — Իսկ մենք, դեռ քնած ենք:

ԿԱԹՈՒԼԻԿ ԵԿԵՂԵՑԻ

Նոյեմբերի 9 ին Փրանսիական Սենատում սկսուեց Լիեզեքին պետութիւնից բաժանելու օրինագծի քննութիւնը, որն անցեալ յուլիս ամսին ընդունուեց պալատի կողմից: Որպէս զի գործը չը ձգձգուի և ներկայ յունվարին խնդիրը վերջնականապէս լուծուի, որոշուեց առանձին սրբազրութիւններ չը մօցնել օրինագծի մէջ, մինչդեռ պահպանողականներն 96 կէտով սրբազրութիւններ են արել և այդ մի միայն ժամանակ վատակելու մընչև նոր ընտրութիւնները: Օրինագծի հակառակորդներն առաջարկում էին պահպանել կոնկորդատը (պապի

հետ կրած դաշնագիրը), որպէս խաղաղութեան մի ղէնք, որը թէ եկեղեցուն է օգտակար և թէ պետութեան, դատապարտում էին օրինագծի հակակրօնական ոգին, նրա անարդարացիութիւնը, բաժանման պայմանների խտութիւնը և սպառնում էին սկսուած կրօնական կռուի ծանր հետեանքներով: Օրինագծի պաշտպանները պնդում էին, որ կոնկորդատը վաղուց դադարել է խաղաղութեան ղէնք լինելուց և հոգևորականութիւնը նրանով օգտուում էր մի միայն իւր նպատակների համար, որոնք միանգամայն թշնամական էին հասարակապետութեան. որ եկեղեցու և հասարակապետութեան կեանքը միասին անտանելի դարձաւ և անջատումը դատուեց անհրաժեշտ: Նրանց կարծիքով անջատումը ի նկատի է առնում եկեղեցու արդարացի շահերը և ցանկանում է ապահովել բոլորի խղճի ազատութիւնը: Նոյեմբերի 18ին ընդհանուր խորհրդածութիւնը վերջացաւ և նախագահ նախարարի առաջարկով քուէարկութեամբ 173 ձայնով 107 ի դէմ՝ որոշուեց օրինագծի «անյետաձգելիութիւնը»: Այնուհետեւ սկսուեց օրինագծի քննութիւնը յօդուած առ յօդուած: Մինչև նոյեմբերի 26ը առանց փոփոխութեան ընդունուեցին 7 յօդուածներ:

Արդէն հաշուած է, թէ ինչ հետեանք կունենայ եկեղեցու անջատումը հասարակապետութեան բիւջէի վրայ:

Առաջին տարի հարկաւոր կլինին ներկայ հոգևոր պաշտօնեաների կենսաթոշակների համար 11,129,445 ֆրանկ. և ժամանակաւոր նպաստների համար, որոնք ծառայութեան կենսաթոշակի ժամանակամիջոցը չեն լրացրել՝ 18,379,950 ֆրանկ. ընդամենը 29,563,871 ֆրանկ: Որովհետեւ կոնկորդատի համաձայն կազմած ներկայ նախահաշուով հոգևոր պաշտօնեաների ռոճիկը 1906 թուի համար նշանակուած է 37,441,800 ֆրանկ, ուստի անջատման օրէնքը դործադրելուց յետոյ պետական գանձարանը խնայողութիւն կունենայ 7,900,000 ֆրանկ, իսկ եթէ դրան աւելացնենք նաև հոգևոր հաստատութեան կառավարութեան ծախուց մնացորդը, այդ դէպքում նա կը հասնի 8,280,000 ֆրանկի: Ութ տարի անցնելուց յետոյ, երբ ժամանակաւոր օժանդակութիւնները բոլորովին կը դադարեն, իսկ կենսաթոշակաւորների թիւը կը քչանայ, ծախսերի դումարը կլինի մի միայն 7,988,515 ֆրանկ, իսկ քսան տարուց յետոյ նրանք 399,426 ֆրանկից աւելի չեն լինի: Այդպիսով աշխատաւոր դասակարգերի ուսերից կը վերցուի 37,042,374 ֆրանկ ծախսը: